

LOU

CHIVALIER

DE LA BARRO

Par Julien RAMPAL.

Prix : 25 centimes.



Que de coups de couffins que si perde ! Marsilho ,
 Per leis caramentrans , es uno merevilho !!
 A tout pas n'en veses , soun tant ben habilhas
 Que leis plus decatis si troboun embrouilhas ;
 Temouin ieou : Charcharot , renouma per la blaguo ,
 Mi sieou leissa pescar dins aquello madraguo
 Que li dien leis Alleïo , ai crento de parla ;
 Dins men d'un vira d'huil l'amour m'antortilha ;
 Su vouestre servitour an tanqua la fichouiro ,
 Et mon couar à tounba dins l'enfarinadouiro .
 Eme soun pichoun er à li gaire tastar ,
 Messies , ai pas pousqu doou coup mi debastar ;
 Sentie lou joussemin , avie la marcho fino ,
 La capoto à pinen , la largeo crinolino ,
 Ero , levi la man , vè , quouocaren de beou !
 Et puis lou teta doux , mai doux coumo de meou ;
 Quan fouou parlar français , sieou fouero de moun centre ,
 Semblo que'm'un ooussin mi coutigoun lou ventre ;

LOU

CHIVALIER

DE LA BARRO

Par Julien RAMPAL.

Prix : 25 centimes.



Que de coups de couffins que si perde ! Marsilho ,
 Per leis caramentrans , es uno merevilho ! !
 A tout pas n'en veses , soun tant ben habilhas
 Que leis plus decatis si troboun embrouilhas ;
 Temouin ieou : Charcharot , renouma per la blaguo ,
 Mi sieou leissa pescar dins aquello madraguo
 Que li dien leis Alleïo , ai crento de parla ;
 Dins men d'un vira d'huil l'amour m'antortilha ;
 Su vouestre servitour an tanqua la fichouiro ,
 Et mon couar à tounba dins l'enfarinadouiro .
 Eme soun pichoun er à li gaire tastar ,
 Messies , ai pas pousqu doou coop mi debastar ;
 Sentie lou joussemin , avie la marcho fino ,
 La capoto à pinen , la largeo crinolino ,
 Ero , levi la man , vè , quouocaren de beou !
 Et puis lou teta doux , mai doux coumo de meou ;
 Quan fouo parlar français , sieou fouero de moun centre ,
 Semblo que'm'un ouussin mi coutigoun lou ventre ;

Pourtan, à l'oucasien, fouu ma pleguo, messies,
 Que siegue un paou plus maou vo ben un paou plus mies.
 Tout passo quan li sias, surtout en parlan vite,
 Et senso mi flattar, tamben ai de merite.
 D'ailhur n'anas jugear per la counversatien,
 Vous va semblar que sieou de Paris vo de Lyen;
 L'accouesteri subran en fen la reveranço.
 Mi va fague pas long, em'un er d'importanço
 Qu'aourie ben counfoundu lou plus hardi guerrie,
 A moun bououn souar la damo ensin li respoundie:
 — Passez votre chemin, chevalier de la barro,
 Vous êtes bien hardi... Ero uno cavo claro,
 Qu'èro pas decidado à mi dounar soun couar;
 Mai mi troubleri pas, perderi pas l'espouar,
 Fouu jamai, per un coup qu'uno affaire si gaste;
 Un home qu'es groumand de tout fouu que n'en taste;
 D'ailhur m'avie morgua, m'aourie pas counvengu
 De plus ren dire aou tchin qu'avie tan ben mordu;
 Leveri moun capeou li demander graci,
 Disen que touis leis fes que per eissito passi,
 Eri fouesso charma de veire su meis pas
 Uno tan gento frèmo, et l'ouufreri moun bras;
 Oh! per lou coup alors refuse pas la botto:
 S'engeanceriam touis dous; digue:—Je suis bien sotto,
 Me pardonnerez vous l'injuste procédé
 Avec lequel, Monsieur.... Li sarrerri lou det,
 Et coumprengue ben leou qu'ouublidavi l'ououfense,
 Mi pensavi, va ben! un moumen de patienço,
 Counouissiras lou pey qu'as pres din toum jambin,
 Siam aou coumencamen, bello, garo à la fin!
 Counteri de fanaou, de balloun, de gandoiso,
 Et jusqu'a miego-nuech la paouro cocoloiso,
 Tirassado per ieou s'allassavo à marchar,
 Quan vigue qu'èro tard, voulie s'anar couchar,

Li digueri que noun, parlavi... de la luno...
 Qu'ero un astre ignoura de touto amo coumuno ,
 La reino de la nuech, deesso deis amours ,
 Protectriço deis gats, et favourablo eis ours ,
 Que soun disque d'argen fach luzir la... mountagno ;
 Enfin un tas de mots à dounar la... magagno ,
 A qu si nourririe ren que de pan resti ;
 Fasiou ce que poudieou per pousque l'abesti ;
 La damo , en morbinan , pourtan toujours marchavo ,
 Fasié de repetum , de longuo badailhavo ,
 L'aneri proumenar jusquo vers Sant-Victor ,
 Puis en blaguan toujours passeriam su lou port ,
 Une bando d'amis , que mi recounouisseroun ,
 Cinquanto quolibets su nous aoutreis lacheroun ,
 Un creidavo : Sies d'or ! as pita Charcharot ;
 Ta damo aourie busoun de prendre un para-sot !
 L'aoutre : Pooou s'en passar 'me ce qu'a su la testo !
 Un troisieme disie : Que mettra per sa festo !
 Un aoutre reprenie : Diguo-li qu'es huroue ,
 Que trouban ges de limo et ges de cagatroue .
 Ieou doublavi lou pas senso faire rubriquo ,
 La damo mi disie : — Qu'est-ce que cette cliquo?...
 — Oh ! n'y fais pas l'honneur d'y porter attention ,
 Ce sont des étourdis sans civilisation .
 La fagueri mountar douis fes à la Turretto ,
 Daise descenderiam jusqu'à la Joulietto ,
 Vengueriam su lou cous per la carriero d'Ai ;
 Pensi que n'avie proun n'en vougueri pas mai .
 Alors arriberiam davan soun domicilo .
 Pouedie plus tenir drecho et si fasié de bilo ,
 Aguanto la clouchetto et gassailho à grand trin ;
 Ero anaqueou moumen tres houros de matin ,
 Et touteis leis vesins pareit que roupilhavoun ,
 L'avie de gens doou guet que daise s'avancavoun

Yeou vouguen evitar de resouns de traver
 En li dian : A demain , leou mi douneri d'er ;
 Oh ! l'ai lassado en plan maougra qu'èro superbo ;
 Vous vaou dire perque prenguèri d'aquello herbo :
 Aimi pas regardar l'home doou gros bastoun ,
 Que fach regnar la pax en parlan doou vieouloun ,
 De quaranto pas luench vigueri la querello ,
 Es de fait qu'en gabiolo estremeroun la bello ,
 Filèri d'un bououn pas mi muscleri de ren ,
 De seis belleis resouns mi souvenieou trooup ben ,
 Ah ! m'a dich de gros mots ! ben aro.... que si gratte ;
 Lou couar mi dis plus ren quan l'estouma mi batte.

FIN.



PUBLICATIENS DOOU MEME AOUTOUR :

Nicou à Valentino.	25 c.
Leis Amours de Nicou.	25 »
Mise Pagello ouou Jardin Zoologique.	25 »
La plus grosso Messougeo.	25 »
Lou lach de Saoumo	} 25 »
La Perruquo.	
La Tapiniero.	25 »
La marchando d'Oousins.	} 25 »
Lou Louchaire	
Lou Marri gouver.. . . .	25 »
Oousseou vouelo et lou Mazarguen.	25 »